

Iceland Review-MS Reykjavík ehf
Laugavegur 3
101 Reykjavík

Reykjavík, 21. júní 2023
UST202306-240/P.V.B.
09.04.00

Efni: Leyfi fyrir ljósmynda- eða kvikmyndatöku á friðlýstum svæðum

Umhverfisstofnun hefur mótttekið umsókn Kjartans Þorbjörnssonar fyrir hönd Iceland Review-MS Reykjavík ehf, dagsett, 16. júní 2023, um faraleyfi til Surtseyjar.

Surtsey er friðlýst sem friðland sbr. [auglýsing nr. 50/2006](#), með breytingum sbr. [auglýsing nr. 468/2011](#). Óheimilt er að fara í land í Surtsey nema með leyfi Umhverfisstofnunar. Heimilt er að veita leyfi til ferða út í Surtsey til rannsókna og verkefna sem tengjast þeim, eða til kvikmyndatöku og/eða ljósmyndunar vegna gerðar fræðsluefnis með sérstaka skírskotun til Surtseyjar eða rannsókna þar.

Lýsing verkefnis:

Sótt er um fararleyfi fyrir einn blaðamann/ljósmyndara til Surtseyjar 17.-20. Júlí 2023. Tilgangur fararinnar er að vinna grein um 60 ára afmæli Surtseyjar, sögu hennar, hvert hún stefnir, hvar vistkerfið er statt, hvernig vísindamenn nálgist hana og geri á hennir stöðugar rannsóknir. Ekki er gert ráð fyrir drónatökum og yrði viðkomandi í samfloti með rannsóknarleiðangri sem dvelur í eyjunni á þessum tíma.

Áhrifamat:

Umhverfisstofnun metur verkefni ekki líklegt að hafa neikvæð áhrif á náttúruafar og verndargildi eyjarinnar til lengri tíma lítið sé farið eftir skilyrðum leyfisins. Stofnunin telur að verkefnið sé til þess fallið að hafa jákvæð áhrif á verndargildi svæðisins og halda uppi sterkri stöðu þess sem friðland og verndarsvæði á heimsminjaskrá UNESCO vegna fræðslugildi þess.

Skilyrði:

Umhverfisstofnun veitir Iceland Review-MS Reykjavík ehf fyrir sitt leyti faraleyfi fyrir 1 starfsmann til Surtseyjar sbr. lýsingu hér að ofan 17.-20. júlí 2023 að uppfylltum eftirfarandi skilyrðum:

- Leyfið gildir eingöngu fyrir þá aðila sem tilgreindir eru í umsókn umsækjanda.
 - Kjartan Þorbjörnsson
- Hafa skal þetta bréf með í för á meðan verkefninu stendur.
- **Tilkynna skal til starfsmanns Umhverfisstofnunar á svæðinu hvenær brottför er til Surtseyjar með að minnsta kosti tveggja sólahringa fyrirvara.**
- Umhverfisstofnun skal tilkynnt um öll frávik við áður útgefna verkefnalýsingu og eins ef breyting verður á tímasetningu verkefnis eins fljótt og auðið er.
- Virða skal þær umgengnisreglur sem gilda um svæðið.

- Leiðangursmenn skulu gæta þess að hreinsa allan fatnað og farangur áður en lagt er af stað til að tryggja að engar lífverur, plöntuhlutar og jarðvegur berist til Surtseyjar til að tryggja að landnám og þróun lífs eigi sér stað án tilstuðlan mannsins. Er það á ábyrgð leiðangurstjóra að tryggja að allir leiðangursmenn viti af þessu og sjái til þess að það sé gert.
- Ef í ljós kemur að hreinsun fatnaðar og/eða búnaðar er ábótavant getur eftirlitsmaður farið fram á að búnaður sé skilinn eftir, frestað för þar til úrbætur hafa farið fram eða farið fram á að fararleyfi viðkomandi sé afturkallað.
- Gæta verður þess að ganga vel um viðkvæma náttúru Surtseyjar þar sem bannað er að trufla dýralíf, raska jarðminjum og skerða gróður.
- Halda skal umferð um mávabyggðir í lágmarki. Sérstaklega skal gæta þess að stýggja ekki ófleyga ungfugla. Einnig skal gæta þess að stýggja ekki þá seli sem mögulega kunna að dvelja í fjörum á norðanverðri eyinni.
- Gæta verður þess að allur farangur verði tekin til baka sem og allur sá úrgangur sem til fellur á meðan dvalið er í Surtsey.
- Ekkert drykkjarvatn er í eyjunni og verða leiðangursmenn að flytja það með sér. Þá er þar engin salernisaðstaða.
- Á meðan dvalið er í eyjunni ber umsækjanda að hlíta fyrir mælum starfsmanns friðlandsins og leiðangurstjóra vísindaleiðangursins.
- Ef myndefnið er ætlað til birtingar opinberlega skal það tekið fram í myndbandinu/myndatexta að leyfi Umhverfisstofnunar hafi fengist fyrir kvikmyndatökunni innan hins friðlýsta svæðis.

Ef framkvæmdaraðili veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir framkvæmdaraðila að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

Leiðbeiningar um hreinsun fatnaðar og búnaðar er að finna í fylgiskjali með bréfi þessu.

Leyfisgjald:

Umhverfisstofnun hefur nú innheimt gjald fyrir vinnslu og afgreiðslu umsókna um leyfi á friðlýstum svæðum sbr. 1. mgr. 92. gr. laga nr. 60/2013 um náttúruvernd. Gjald fyrir umsókn um framkvæmdir, kvikmyndagerðar og/eða myndatöku er kr. **76.000.** sbr. 29. gr. b. gjaldskrá Umhverfisstofnunar nr. 206/2023.

Eftirlit:

Umhverfisstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Umhverfisstofnun.

Virðingarfyllst

Ragnheiður Björk Sigurðardóttir
sviðsstjóri

Þórdís Vilhelmína Bragadóttir
sérfræðingur